

## **Denk nit immer zweimol**

*Text: Mike Kremer, Nils Schreiber*

Jo, et Levve es e Spill  
et jitt 'ne Start, et jitt e Ziel  
et jitt Moral un och Jesetz,  
et jitt Jeföhl, jebroche Hätze  
bovve Himmel, unge Höll, dozwesche mir

Un de Sünd häld sich versteck  
un lauert op an jeder Eck  
mäht mer och nit alles rääch  
es mer lang noch nit schlääch  
denn dä Wäg vun schwatz noh wieß is miestens jrau

Un weil de Frucht verbodde is, schmeck se besonders jod  
für zo maache, wat d'r Kopp säht, is dat Levve vill ze koot

**Denk nit immer zweimol, manchmol reich och keimol  
denn mir sin nur eimol op d'r Welt  
Falle un dann opstonn, Fähler maache, wiggerjonn  
su lang Do op Di Hätz hürs is et jod**

Wann mer ens ihrlich zo sich es  
Schon als Panz mäht mer vill Dress  
mer han bedroge un jeloge  
bes sich alle Balke boge  
doch am nächste Dag wor alles widder jod

Dat steck noch hügg su en mer dren  
doch dat es miestens halv esu schlemm  
Läg Ding Beichte aff un schon  
jitt mer Dir Absolution  
nix jewäse, nix passeet un nix jesinn

*Mer sin jekumme un mir jonn  
un wenn mer hee sin, woll' mer jet erleuve  
nit nor bewäjungslöss he stonn  
en koote Zigg, en dä mer alles jevve kann*